

বাংলাদেশ



গেজেট

কর্তৃপক্ষ কর্তৃক প্রকাশিত

বৃহস্পতিবার, জুন ২৯, ২০২৩

সূচীপত্র

	পৃষ্ঠা নং		পৃষ্ঠা নং
১ম খণ্ড—গণপ্রজাতন্ত্রী বাংলাদেশ সরকারের সকল মন্ত্রণালয়, বিভাগ, সংযুক্ত ও অধীনস্থ দপ্তরসমূহ এবং বাংলাদেশ সুপ্রীম কোর্ট কর্তৃক জারীকৃত বিধি ও আদেশাবলি সম্বলিত বিধিবদ্ধ প্রজ্ঞাপনসমূহ।	৪০৫—৪১১	৭ম খণ্ড—অন্য কোনো খণ্ডে অপ্রকাশিত অধঃস্তন প্রশাসন কর্তৃক জারীকৃত অ-বিধিবদ্ধ ও বিবিধ প্রজ্ঞাপনসমূহ।	নাই
২য় খণ্ড—প্রতিরক্ষা মন্ত্রণালয় ও বাংলাদেশ সুপ্রীম কোর্ট ব্যতীত গণপ্রজাতন্ত্রী বাংলাদেশ সরকার কর্তৃক জারীকৃত যাবতীয় নিয়োগ, পদোন্নতি, বদলি ইত্যাদি বিষয়ক প্রজ্ঞাপনসমূহ।	৭২১—৭৪০	৮ম খণ্ড—বেসরকারি ব্যক্তি এবং কর্পোরেশন কর্তৃক অর্থের বিনিময়ে জারীকৃত বিজ্ঞাপন ও নোটিশসমূহ।	নাই
৩য় খণ্ড—প্রথম খণ্ডে অন্তর্ভুক্ত প্রজ্ঞাপনসমূহ ব্যতীত প্রতিরক্ষা মন্ত্রণালয় কর্তৃক জারীকৃত প্রজ্ঞাপনসমূহ।	নাই	ক্রোড়পত্র—সংখ্যা	নাই
৪র্থ খণ্ড—প্রথম খণ্ডে অন্তর্ভুক্ত প্রজ্ঞাপনসমূহ ব্যতীত পেটেন্ট অফিস কর্তৃক জারীকৃত প্রজ্ঞাপনসমূহ ইত্যাদি।	নাই	(১)সনের জন্য উৎপাদনমুখী শিল্পসমূহের শুমারি।	নাই
৫ম খণ্ড—বাংলাদেশ জাতীয় সংসদের এ্যাক্ট, বিল ইত্যাদি।	নাই	(২) বৎসরের জন্য বাংলাদেশের লিচুর চূড়ান্ত আনুমানিক হিসাব।	নাই
৬ষ্ঠ খণ্ড—প্রথম খণ্ডে অন্তর্ভুক্ত প্রজ্ঞাপনসমূহ ব্যতীত বাংলাদেশ সুপ্রীম কোর্ট, বাংলাদেশের মহা-হিসাব নিরীক্ষক ও নিয়ন্ত্রক, বাংলাদেশ সরকারী কর্ম কমিশন এবং গণপ্রজাতন্ত্রী বাংলাদেশ সরকারের অধঃস্তন ও সংযুক্ত দপ্তরসমূহ কর্তৃক জারীকৃত প্রজ্ঞাপনসমূহ।	৭৩৭—৭৫২	(৩) বৎসরের জন্য বাংলাদেশের টক জাতীয় ফলের আনুমানিক হিসাব।	নাই
		(৪) কৃষি মন্ত্রণালয় কর্তৃক প্রকাশিত বৎসরের চা উৎপাদনের চূড়ান্ত আনুমানিক হিসাব।	নাই
		(৫) তারিখে সমাপ্ত সপ্তাহে বাংলাদেশের জেলা এবং শহরে কলেরা, গুটি বসন্ত, প্রুগ এবং অন্যান্য সংক্রামক ব্যাধি দ্বারা আক্রমণ ও মৃত্যুর সাপ্তাহিক পরিসংখ্যান।	নাই
		(৬) তারিখে সমাপ্ত ত্রৈমাসিক পরিচালক, চলচ্চিত্র ও প্রকাশনা অধিদপ্তর কর্তৃক প্রকাশিত ত্রৈমাসিক গ্রন্থ তালিকা।	নাই

১ম খণ্ড

গণপ্রজাতন্ত্রী বাংলাদেশ সরকারের সকল মন্ত্রণালয়, বিভাগ, সংযুক্ত ও অধীনস্থ দপ্তরসমূহ এবং বাংলাদেশ সুপ্রীম কোর্ট কর্তৃক জারীকৃত বিধি ও আদেশাবলি সম্বলিত বিধিবদ্ধ প্রজ্ঞাপনসমূহ।

স্বরাষ্ট্র মন্ত্রণালয়
জননিরাপত্তা বিভাগ
আইন-২ শাখা
প্রজ্ঞাপনসমূহ

তারিখ: ৩ বৈশাখ ১৪৩০/১৬ এপ্রিল ২০২৩

নং ৪৪.০০.০০০০.০৫৬.০৪.০০১.২৩-৫৪০—সুনামগঞ্জ জেলার সদর মডেল থানার মামলা নং-৩৩, তারিখ : ২৫-১০-২০২১ খ্রিঃ-এর ঘটনাঙ্ক হতে প্রাপ্ত জন্মকৃত আলামত পরীক্ষান্তে ও পুলিশী তদন্তে আসামীরা সন্ত্রাস বিরোধী আইন, ২০০৯ {(সংশোধনী, ২০১২) ও (সংশোধনী, ২০১৩)}-এর ৮/৯(৩)/১৩ ধারার অপরাধে জড়িত মর্মে প্রাথমিকভাবে প্রমাণিত হয়েছে।

০২। এমতাবস্থায়, তদন্তে আনীত অভিযোগ প্রাথমিকভাবে প্রমাণিত হওয়ায় মামলাটি বিচারার্থে আমলে গ্রহণের লক্ষ্যে সন্ত্রাস বিরোধী আইন, ২০০৯ {(সংশোধনী, ২০১২) ও (সংশোধনী, ২০১৩)} এর ৪০(২) ধারার বিধান মোতাবেক এতদ্বারা সরকারের অনুমোদন (Sanction) জ্ঞাপন করা হলো।

নং ৪৪.০০.০০০০.০৫৬.০৪.০০১.২৩-৫৪১—চাঁদপুর জেলার সদর মডেল থানার মামলা নং-১২, তারিখ : ০৮-১০-২০২১ খ্রিঃ-এর ঘটনাঙ্ক হতে প্রাপ্ত জন্মকৃত আলামত পরীক্ষান্তে ও পুলিশী তদন্তে আসামীরা সন্ত্রাস বিরোধী আইন, ২০০৯ {(সংশোধনী, ২০১২) ও (সংশোধনী, ২০১৩)}-এর ৬(২)(ঈ)/১০/১২ ধারার অপরাধে জড়িত মর্মে প্রাথমিকভাবে প্রমাণিত হয়েছে।

০২। এমতাবস্থায়, তদন্তে আনীত অভিযোগ প্রাথমিকভাবে প্রমাণিত হওয়ায় মামলাটি বিচারার্থে আমলে গ্রহণের লক্ষ্যে সন্ত্রাস বিরোধী আইন, ২০০৯ {(সংশোধনী, ২০১২) ও (সংশোধনী, ২০১৩)}এর ৪০(২) ধারার বিধান মোতাবেক এতদ্বারা সরকারের অনুমোদন (Sanction) জ্ঞাপন করা হলো।

নং ৪৪.০০.০০০০.০৫৬.০৪.০০১.২৩-৫৪২—চট্টগ্রাম জেলার বাকলিয়া থানার মামলা নং-৩৭, তারিখ: ২৭-০১-২০২২ খ্রিঃ-এর ঘটনাঙ্ক হতে প্রাপ্ত জন্মকৃত আলামত পরীক্ষান্তে ও পুলিশী তদন্তে আসামীরা সন্ত্রাস বিরোধী আইন, ২০০৯ {(সংশোধনী, ২০১২) ও (সংশোধনী, ২০১৩)}-এর ৮/৯(২)/১০/১৩ ধারার অপরাধে জড়িত মর্মে প্রাথমিকভাবে প্রমাণিত হয়েছে।

মোস্তাফিজুর রহমান, উপপরিচালক (ভারপ্রাপ্ত), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।
মোঃ সাখাওয়াত হোসেন, উপপরিচালক (উপসচিব) (অতিরিক্ত দায়িত্ব), বাংলাদেশ ফরম ও প্রকাশনা অফিস, তেজগাঁও,
ঢাকা কর্তৃক প্রকাশিত। website: www.bgpress.gov.bd

০২। এমতাবস্থায়, তদন্তে আনীত অভিযোগ প্রাথমিকভাবে প্রমাণিত হওয়ায় মামলাটি বিচারার্থে আমলে গ্রহণের লক্ষ্যে সন্ত্রাস বিরোধী আইন, ২০০৯ [(সংশোধনী, ২০১২) ও (সংশোধনী, ২০১৩)]-এর ৪০(২) ধারার বিধান মোতাবেক এতদ্বারা সরকারের অনুমোদন (Sanction) জ্ঞাপন করা হলো।

নং ৪৪.০০.০০০০.০৫৬.০৪.০০১.২৩-৫৪৩—ঢাকা জেলার গুলশান থানার মামলা নং-০৪(০৩)২০২০-এর ঘটনাস্থল হতে প্রাপ্ত জন্মকৃত আলামত পরীক্ষান্তে ও পুলিশী তদন্তে আসামীর সন্ত্রাস বিরোধী আইন, ২০০৯ [(সংশোধনী, ২০১২) ও (সংশোধনী, ২০১৩)]-এর ৮/৯(৩)/১২/১৩ ধারার অপরাধে জড়িত মর্মে প্রাথমিকভাবে প্রমাণিত হয়েছে।

০২। এমতাবস্থায়, তদন্তে আনীত অভিযোগ প্রাথমিকভাবে প্রমাণিত হওয়ায় মামলাটি বিচারার্থে আমলে গ্রহণের লক্ষ্যে সন্ত্রাস বিরোধী আইন, ২০০৯ [(সংশোধনী, ২০১২) ও (সংশোধনী, ২০১৩)] এর ৪০(২) ধারার বিধান মোতাবেক এতদ্বারা সরকারের অনুমোদন (Sanction) জ্ঞাপন করা হলো।

রাষ্ট্রপতির আদেশক্রমে

আশাফুর রহমান
উপসচিব।

শৃঙ্খলা-১ শাখা

প্রজ্ঞাপন

তারিখ : ২৩ চৈত্র, ১৪২৯/০৬ এপ্রিল, ২০২৩

নং ৪৪.০০.০০০০.০৫৭.২৭.০০৩.২২-৮২/১—জনাব মোঃ আব্দুল্লাহ আল হাদী (বিএডি-১২০০৯৮), জেলা কমান্ড্যান্ট, বাংলাদেশ আনসার ও গ্রাম প্রতিরক্ষা বাহিনী, ব্রাহ্মণবাড়ীয়া ও সাবেক জেলা কমান্ড্যান্ট, বাংলাদেশ আনসার ও গ্রাম প্রতিরক্ষা বাহিনী, গাজীপুর হিসেবে কর্মকালে ২০% অজিভূত আনসার সদস্যদের আনুসঙ্গিক খাতের তহবিলের টাকা তহবিল নীতিমালা ভঙ্গ করে নিয়মবহির্ভূত ও অবৈধভাবে নিজ নামে ২৬,৫০,০০০/- (ছাব্বিশ লক্ষ পঞ্চাশ হাজার) টাকা ও ০৫ জন আনসার কর্মকর্তা-কর্মচারীকে ১৮, ৫০,০০০/- (আঠার লক্ষ পঞ্চাশ হাজার) টাকা ঋণ আদান-প্রদান করার মাধ্যমে নিজে ও অন্যদেরকে অনৈতিকভাবে আর্থিক লাভবানের সুযোগ করে দেয়ার অভিযোগের পরিপ্রেক্ষিতে গত ০৮-০৬-২০২২ তারিখ ৮৮ নং স্মারকমূলে তার বিরুদ্ধে বিভাগীয় মামলা রুজুপূর্বক তাকে কারণ দর্শানো হয়। তিনি কারণ দর্শানোর জবাব দাখিলপূর্বক ব্যক্তিগত শুনানির আবেদন করেন।

০২। অভিযুক্ত কর্মকর্তার আবেদনের পরিপ্রেক্ষিতে গত ১০-০৮-২০২২ তারিখে তার ব্যক্তিগত শুনানি অনুষ্ঠিত হয়। ব্যক্তিগত শুনানিতে উভয় পক্ষের বক্তব্য, আনীত অভিযোগসমূহ, কারণ দর্শানোর জবাব, অনুসন্ধান প্রতিবেদন এবং অন্যান্য গুরুত্বপূর্ণ দলিলপত্রাদি পর্যালোচনায় তার বিরুদ্ধে অভিযোগসমূহ প্রমাণিত হলে গুরুত্বপূর্ণ আরোপের প্রয়োজন হতে পারে মর্মে প্রতীয়মান হওয়ায় সরকারি কর্মচারী (শৃঙ্খলা ও আপিল) বিধিমালা, ২০১৮'-এর ৭(২)(ঘ) উপ-বিধি অনুসারে তদন্তের নিমিত্ত এ বিভাগের যুগ্মসচিব, জনাব মোঃ মিজানুর রহমান, (রাজনৈতিক-২ অধিশাখা)-কে আহ্বায়ক করে তিন (০৩) সদস্য বিশিষ্ট একটি তদন্ত কমিটি গঠন করা হয়।

০৩। গঠিত তদন্ত কমিটি কর্তৃক গত ২০-০৩-২০২৩ তারিখ তদন্ত প্রতিবেদন (ফাইন্ডিংস) দাখিল করেন এবং উক্ত প্রতিবেদনে অভিযুক্ত কর্মকর্তার বিরুদ্ধে আনীত 'অসদাচরণ' ও 'দুর্নীতি পরায়ণ'-এর অভিযোগ প্রমাণিত হয়নি মর্মে উল্লেখ করা হয়।

০৪। জনাব মোঃ আব্দুল্লাহ আল হাদী (বিএডি-১২০০৯৮), জেলা কমান্ড্যান্ট, বাংলাদেশ আনসার ও গ্রাম প্রতিরক্ষা বাহিনী, ব্রাহ্মণবাড়ীয়া ও সাবেক জেলা কমান্ড্যান্ট, বাংলাদেশ আনসার ও গ্রাম প্রতিরক্ষা বাহিনী, গাজীপুর-এর বিরুদ্ধে 'সরকারি কর্মচারী (শৃঙ্খলা ও আপিল) বিধিমালা, ২০১৮'-এর ৩(খ) ও ৩(ঘ) বিধি মোতাবেক যথাক্রমে 'অসদাচরণ' ও 'দুর্নীতি পরায়ণ' এর অভিযোগ প্রমাণিত না হওয়ায় তাকে গঠিত অভিযোগের দায় হতে অব্যাহতি প্রদান করা হলো।

০৫। জনস্বার্থে জারীকৃত এ আদেশ অবিলম্বে কার্যকর হবে।

রাষ্ট্রপতির আদেশক্রমে

মোঃ মোস্তাফিজুর রহমান, বিপিএএ
সচিব।

তথ্য ও সম্প্রচার মন্ত্রণালয়
চলচ্চিত্র-১ শাখা

প্রজ্ঞাপন

তারিখ: ১৪ চৈত্র ১৪২৯/২৮ মার্চ ২০২৩

নং ১৫.০০.০০০০.০২৭.২২.০০১.১৮.১২৬—The Censorship of Films Act, 1963 (Amendment upto 2006) এর ধারা ৩ এবং The Bangladesh Censorship of Films Rules, 1977 এর বিধি ৪ মোতাবেক বাংলাদেশ চলচ্চিত্র সেন্সর বোর্ড পরবর্তী ০১ (এক) বছরের জন্য নিম্নোক্তভাবে পুনর্গঠন করা হলো:

চেয়ারম্যান

০১। সচিব, তথ্য ও সম্প্রচার মন্ত্রণালয়, বাংলাদেশ সচিবালয়, ঢাকা।

সদস্যবৃন্দ

০২। সচিব, আইন ও বিচার বিভাগ, আইন, বিচার ও সংসদ বিষয়ক মন্ত্রণালয়, বাংলাদেশ সচিবালয়, ঢাকা।

০৩। প্রধানমন্ত্রীর প্রেস সচিব, প্রধানমন্ত্রীর কার্যালয়, তেজগাঁও, ঢাকা।

০৪। অতিরিক্ত সচিব (চলচ্চিত্র), তথ্য ও সম্প্রচার মন্ত্রণালয়, বাংলাদেশ সচিবালয়, ঢাকা।

০৫। প্রতিনিধি, জননিরাপত্তা বিভাগ, স্বরাষ্ট্র মন্ত্রণালয় (যুগ্মসচিব বা তদুর্ধ্ব পদমর্যাদার)।

০৬। ব্যবস্থাপনা পরিচালক, বাংলাদেশ চলচ্চিত্র উন্নয়ন কর্পোরেশন, ঢাকা।

০৭। সভাপতি, বাংলাদেশ চলচ্চিত্র পরিচালক সমিতি, ডাইরেক্টরস স্টাডি রুম, বিএফডিসি, তেজগাঁও, ঢাকা।

০৮। বেগম সালমা বেগম সুজাতা (সুজাতা আজিম), বিশিষ্ট অভিনেত্রী, বাসা-১৪৩/১৪৪, ব্লক-ডি, রোড নম্বর-৬, পশ্চিম রামপুরা, ঢাকা।

০৯। দেওয়ান নজরুল, বিশিষ্ট প্রযোজক ও পরিচালক, ধানমন্ডি, ঢাকা।

১০। জনাব খোরশেদ আলম খসরু, বিশিষ্ট প্রযোজক, ৭৩, কাকরাইল, ইস্টার্ন কমার্শিয়াল কমপ্লেক্স, ঢাকা।

- ১১। বেগম ফাহুনা হামিদ, বিশিষ্ট অভিনেত্রী, ৯/ডি, সেলওয়েসেস, ইফাটন গার্ডেন রোড, ১১৬/এ, কাজী নজরুল ইসলাম এ্যাভিনিউ, ঢাকা।
- ১২। জনাব অনুপম হায়াৎ, চলচ্চিত্র গবেষক, বাড়ী সুবর্ণগ্রাম, ৩৩/৪, পলাশপুর, জিআর স্মরণি, ০৮ নং ধনিয়া, ঢাকা।
- ১৩। মিজ রোজিনা, বিশিষ্ট চলচ্চিত্র অভিনেত্রী, বাড়ি-১৬, রোড-১৯, সেক্টর-৪, উত্তরা, ঢাকা।
- ১৪। মিজ অবুনা বিশ্বাস, বিশিষ্ট চলচ্চিত্র অভিনেত্রী, বাড়ি-১৭, রোড-৫, এ্যাপার্টমেন্ট-সি/৭, সেক্টর-৬, উত্তরা, ঢাকা।

সদস্য-সচিব

- ১৫। ভাইস চেয়ারম্যান, বাংলাদেশ চলচ্চিত্র সেন্সর বোর্ড, ঢাকা।

০২। এ বোর্ডের কার্যক্রম The Censorship of Films Act, 1963 (Amendment upto 2006), The Bangladesh Censorship of Films Rules, 1977 এর The Code for Censorship of Films in Bangladesh, 1985 অনুসারে পরিচালিত হবে।

০৩। জনস্বার্থে জারীকৃত এ আদেশ ১৬ এপ্রিল ২০২৩ তারিখ থেকে কার্যকর হবে।

রাষ্ট্রপতির আদেশক্রমে

মোঃ সাইফুল ইসলাম
উপসচিব (অতিরিক্ত দায়িত্ব)।

মহিলা ও শিশু বিষয়ক মন্ত্রণালয়
জামস শাখা

প্রজ্ঞাপন

তারিখ : ১৮ এপ্রিল, ২০২৩ খ্রিঃ

নং ৩২.০০.০০০০.০৩৮.০৬.১৩৩.১৯.৩৭—জাতীয় মহিলা সংস্থা আইন, ১৯৯১ (১৯৯১ সনের ৯ নং আইন) এর ১১ ধারার (৩) উপধারা মোতাবেক উপজেলা নির্বাহী অফিসার, জয়পুরহাট সদর এর সুপারিশের ভিত্তিতে নিম্নলিখিত ব্যক্তিগণকে জাতীয় মহিলা সংস্থার জয়পুরহাট সদর উপজেলা কমিটির সদস্য হিসেবে নির্দেশক্রমে মনোনীত করা হলো :

ক্রমিক নং	সংশ্লিষ্ট ধারা	সদস্য শ্রেণী	নাম ও ঠিকানা	পদবী
০১	১১(১)(ঘ)	বিশিষ্ট মহিলা	জনাব সাবিনা আকতার চৌধুরী, পিতা-মৃত আব্দুস সামাদ চৌধুরী, নতুনহাট শেখ পাড়া, জয়পুরহাট পৌরসভা;	চেয়ারম্যান
০২	১১(১)(গ)	সমাজসেবী	জনাব রত্না মজুমদার, স্বামী-সেখর মজুমদার, চিনিকল সড়ক, জয়পুরহাট;	সদস্য
০৩	১১(১)(চ)	বিশিষ্ট মহিলা	জনাব সাবিনা ইয়াসমিন, স্বামী-মোঃ ছাইদুর রহমান, আদর্শপাড়া, জয়পুরহাট;	সদস্য
০৪	১১(১)(চ)	শিক্ষিকা	জনাব ইসরাত জাহান, স্বামী-রফিকুল ইসলাম, সবুজ নগর, জয়পুরহাট পৌরসভা;	সদস্য

ক্রমিক নং	সংশ্লিষ্ট ধারা	সদস্য শ্রেণী	নাম ও ঠিকানা	পদবী
০৫	১১(১)(চ)	বিশিষ্ট মহিলা	জনাব উমা রাণী দাস, পিতা-বৈদ্যনাথ দাস, বিশ্বাসপাড়া, জয়পুরহাট।	সদস্য

২। উপরোল্লিখিত সদস্যগণের মধ্য হতে ১ নং ক্রমিকের জনাব সাবিনা আকতার চৌধুরী, পিতা-মৃত আব্দুস সামাদ চৌধুরী উক্ত কমিটির চেয়ারম্যান হিসেবে দায়িত্ব পালন করবেন।

৩। কমিটির মনোনীত চেয়ারম্যান ও বর্ণিত সদস্যগণ ১৮-০৪-২০২৩ তারিখ হতে দু'বৎসর মেয়াদে স্থায়ী পদে বহাল থাকবেন। তবে শর্ত থাকে যে, সরকার উক্ত মেয়াদ শেষ হওয়ার পূর্বে কোন কারণ দর্শানো ব্যতিরেকে তাঁদের পদ থেকে অপসারণ করতে পারবে এবং তাঁরাও সরকারের উদ্দেশ্যে স্বাক্ষরযুক্ত পত্রযোগে যে কোন সময় স্থায়ী পদ ত্যাগ করতে পারবেন।

রাষ্ট্রপতির আদেশক্রমে

দিলীপ কুমার দেবনাথ
সিনিয়র সহকারী সচিব।

শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
বিশ্ববিদ্যালয়-২ অধিশাখা

প্রজ্ঞাপন

তারিখ : ০২ বৈশাখ, ১৪৩০/১৫ এপ্রিল, ২০২৩

নং ৩৭.০০.০০০০.০৭৯.৯৯.০০৭.১৭.১২২—মহামান্য রাষ্ট্রপতি ও বিশ্ববিদ্যালয়সমূহের চ্যান্সেলর ঐর অভিপ্রায় অনুযায়ী বিগত সময়ে যে সকল পাবলিক বিশ্ববিদ্যালয় গুচ্ছ ভর্তি পরীক্ষায় যুক্ত ছিল তাদের অংশগ্রহণে ২০২২-২৩ শিক্ষাবর্ষে গুচ্ছ পদ্ধতিতে ভর্তি পরীক্ষা কার্যক্রম সম্পন্ন করার এবং ২০২৩-২৪ শিক্ষাবর্ষ হতে সকল পাবলিক বিশ্ববিদ্যালয়কে একক ভর্তি পরীক্ষার আওতায় নেয়ার প্রয়োজনীয় উদ্যোগ গ্রহণের জন্য বাংলাদেশ বিশ্ববিদ্যালয় মঞ্জুরী কমিশনকে দায়িত্ব প্রদান করা হলো।

২। জনস্বার্থে এ আদেশ জারি করা হলো।

রাষ্ট্রপতির আদেশক্রমে

মোঃ মাহমুদুল আলম
যুগ্মসচিব।

বেসরকারি বিশ্ববিদ্যালয়-১

প্রজ্ঞাপনসমূহ

তারিখ : ১৩ বৈশাখ, ১৪৩০/২৬ এপ্রিল, ২০২৩

নং ৩৭.০০.০০০০.০৭৮.০৮.০০৩.২০১৮-১৫৯—মহামান্য রাষ্ট্রপতি ও চ্যান্সেলর ঐর অনুমোদনক্রমে বেসরকারি বিশ্ববিদ্যালয় আইন, ২০১০ এর ধারা ৩৩ (১) অনুযায়ী ড. সেখ আব্দুল লতিফ, চীফ সায়েন্টিফিক অফিসার (অবসরপ্রাপ্ত), বাংলাদেশ পরমাণু শক্তি কমিশন-কে জেড. এন. আর. এফ ইউনিভার্সিটি অব ম্যানেজমেন্ট সায়েন্সেস এর ট্রেজারার পদে নিম্নোক্ত শর্তে নিয়োগ প্রদান করা হলো :

ক) ট্রেজারার পদে তাঁর নিয়োগের মেয়াদ হবে যোগদানের তারিখ হতে ০৪ (চার) বছর। তবে মহামান্য রাষ্ট্রপতি ও

চ্যাম্পেলর প্রয়োজনে যে কোন সময় এই নিয়োগ আদেশ বাতিল করতে পারবেন;

- খ) তিনি বিশ্ববিদ্যালয় কর্তৃপক্ষ কর্তৃক নির্ধারিত বেতনভাতা প্রাপ্য হবেন এবং পদ সংশ্লিষ্ট অন্যান্য সুবিধা ভোগ করবেন;
- গ) তিনি বেসরকারি বিশ্ববিদ্যালয় আইন, ২০১০ অনুযায়ী দায়িত্ব পালন করবেন।

২. জনস্বার্থে জারীকৃত এ আদেশ অবিলম্বে কার্যকর হবে।

তারিখ : ১৭ বৈশাখ, ১৪৩০/৩০ এপ্রিল, ২০২৩

নং ৩৭.০০.০০০০.০৭৮.১১.১০৯.১৪-১৬৩—মহামান্য রাষ্ট্রপতি ও চ্যাম্পেলর এর অনুমোদনক্রমে বেসরকারি বিশ্ববিদ্যালয় আইন, ২০১০ এর ধারা ৩১ (১) অনুযায়ী ড. পারভীন হাসান প্রাক্তন ভাইস-চ্যাম্পেলর, সেন্ট্রাল উইমেন্স ইউনিভার্সিটি, ঢাকা- কে-উক্ত ইউনিভার্সিটি এর ভাইস-চ্যাম্পেলর পদে নিম্নোক্ত শর্তে নিয়োগ প্রদান করা হলো:

- ক) ভাইস-চ্যাম্পেলর পদে তাঁর নিয়োগের মেয়াদ হবে যোগদানের তারিখ হতে ০৪ (চার) বছর। তবে মহামান্য রাষ্ট্রপতি ও চ্যাম্পেলর প্রয়োজনে যে কোন সময় এই নিয়োগ আদেশ বাতিল করতে পারবেন;
- খ) তিনি বিশ্ববিদ্যালয় কর্তৃপক্ষ কর্তৃক নির্ধারিত বেতনভাতা প্রাপ্য হবেন এবং পদ সংশ্লিষ্ট অন্যান্য সুবিধা ভোগ করবেন;
- গ) তিনি বেসরকারি বিশ্ববিদ্যালয় আইন, ২০১০ অনুযায়ী দায়িত্ব পালন করবেন।

২. জনস্বার্থে জারীকৃত এ আদেশ অবিলম্বে কার্যকর হবে।

নং ৩৭.০০.০০০০.০৭৮.১৮.১১৪.১৭-১৬২—মহামান্য রাষ্ট্রপতি ও চ্যাম্পেলর এর অনুমোদনক্রমে বেসরকারি বিশ্ববিদ্যালয় আইন, ২০১০ এর ধারা ৩৩ (১) অনুযায়ী ড. প্রকৌশলী মোঃ শাহ জাহান, অধ্যাপক ও ডিন, ইঞ্জিনিয়ারিং অনুষদ, সিসিএন (কমিউনিকেশন কম্পিউটিং ফর নেক্সট জেনারেশন), বিজ্ঞান ও প্রযুক্তি বিশ্ববিদ্যালয়, কুমিল্লা-কে উক্ত বিশ্ববিদ্যালয় এর ট্রেজারার পদে নিম্নোক্ত শর্তে নিয়োগ প্রদান করা হলো :

- ক) ট্রেজারার পদে তাঁর নিয়োগের মেয়াদ হবে যোগদানের তারিখ হতে ০৪ (চার) বছর। তবে মহামান্য রাষ্ট্রপতি ও চ্যাম্পেলর প্রয়োজনে যে কোন সময় এই নিয়োগ আদেশ বাতিল করতে পারবেন;
- খ) তিনি বিশ্ববিদ্যালয় কর্তৃপক্ষ কর্তৃক নির্ধারিত বেতনভাতা প্রাপ্য হবেন এবং পদ সংশ্লিষ্ট অন্যান্য সুবিধা ভোগ করবেন;
- গ) তিনি বেসরকারি বিশ্ববিদ্যালয় আইন, ২০১০ অনুযায়ী দায়িত্ব পালন করবেন।

২। জনস্বার্থে জারীকৃত এ আদেশ অবিলম্বে কার্যকর হবে।

রাষ্ট্রপতির আদেশক্রমে

ড. মোঃ ফরহাদ হোসেন
উপসচিব।

বেসরকারি মাধ্যমিক-১ শাখা প্রজ্ঞাপন

তারিখ : ১৯ বৈশাখ, ১৪৩০/০২ মে, ২০২৩

নং ৩৭.০০.০০০০.০৭২.০৪৪.০০৭.২২.১০৩—শিক্ষা প্রতিষ্ঠানের বুলিং (Bullying) ও র্যাগিং (Ragging) এর মত সামাজিক অপরাধসমূহ প্রতিরোধ, প্রতিকার এবং অবসানের লক্ষ্যে সরকার কর্তৃক এই নীতিমালা প্রণয়ন করা হলো:

১। শিরোনাম :

- ১.১ এ নীতিমালা “শিক্ষা প্রাতিষ্ঠানে বুলিং ও র্যাগিং প্রতিরোধ সংক্রান্ত নীতিমালা-২০২৩” নামে অভিহিত হবে।
- ১.২ এ নীতিমালা দেশের অভ্যন্তরে অবস্থিত সকল শিক্ষা প্রতিষ্ঠানের জন্য প্রযোজ্য হবে।
- ১.৩ জনস্বার্থে এ নীতিমালা জারি করা হলো এবং অবিলম্বে কার্যকর হবে।

২। এই নীতিমালায়—

- (ক) ‘অভিভাবক’ বলতে বাংলাদেশের সকল শিক্ষা প্রতিষ্ঠানে অধ্যয়নরত শিক্ষার্থীদের পিতা-মাতা, পিতা-মাতার অবর্তমানে আইনসম্মত অভিভাবককে বুঝাবে।
- (খ) ‘অশিক্ষক/কর্মকর্তা-কর্মচারী’ বলতে শিক্ষক ব্যতীত শিক্ষা প্রতিষ্ঠানে কর্মরত অন্যান্য কর্মকর্তা-কর্মচারীদের বুঝাবে;
- (গ) ‘কাউন্সিলর’ বলতে মানসিক স্বাস্থ্য বিষয়ে কাউন্সিলিং এর জন্য বিশেষভাবে প্রশিক্ষণপ্রাপ্ত সুনির্দিষ্ট কোনো শিক্ষককে বুঝাবে;
- (ঘ) ‘কর্তৃপক্ষ’ বলতে
- (১) সরকারি প্রতিষ্ঠানের ক্ষেত্রে নিয়োগকারী কর্তৃপক্ষ এবং সরকার কর্তৃক এতদুদ্দেশ্যে দায়িত্বপ্রাপ্ত/ক্ষমতাপ্রাপ্ত যে কোন ব্যক্তি/প্রতিষ্ঠানকে বুঝাবে ;
- (২) বেসরকারি শিক্ষা প্রতিষ্ঠানের ক্ষেত্রে প্রতিষ্ঠানের বোর্ড অব ট্রাস্টিজ/ম্যানেজিং কমিটি/গভর্নিং বডি/এডহক কমিটি/বিশেষ কমিটি/প্রতিষ্ঠান প্রধানকে বুঝাবে;
- (৩) প্রযোজ্য ক্ষেত্রে শিক্ষা মন্ত্রণালয়ের আওতাধীন অধিদপ্তর, শিক্ষাবোর্ডসমূহ, বিশ্ববিদ্যালয়, মঞ্জুরী কমিশন ও বিশ্ববিদ্যালয় প্রশাসনকে বুঝাবে;
- (ঙ) ‘বুলিং ও র্যাগিং’ বলতে নীতিমালার ৩ নং অনুচ্ছেদে বর্ণিত ব্যাখ্যাকে বুঝাবে;
- (চ) ‘শিক্ষক’ বলতে বাংলাদেশের সকল শিক্ষা প্রতিষ্ঠানে নিয়োজিত/কর্মরত স্থায়ী/অস্থায়ী/খন্ডকালীন সকল শিক্ষককে বুঝাবে ;
- (ছ) ‘শিক্ষা প্রতিষ্ঠান’ বলতে বাংলাদেশের সকল শিক্ষা প্রতিষ্ঠানকে বুঝাবে; এবং
- (জ) ‘শিক্ষার্থী’ বলতে বাংলাদেশের শিক্ষা প্রতিষ্ঠানে অধ্যয়নরত সকল শিক্ষার্থীকে বুঝাবে।

৩। শিক্ষা প্রতিষ্ঠানে বুলিং ও র্যাগিং :

৩.১ মৌখিক বুলিং র্যাগিং :

কাউকে উদ্দেশ্য করে মানহাকির/অপমানজনক এমন কিছু বলা বা লেখা যা খারাপ কোন কিছুর প্রতি ইজ্জিত বহন করে ইত্যাদিকে মৌখিক বুলিং বুঝাবে। যেমন- উপহাস করা, খারাপ নামে সম্বোধন করা বা ডাকা, অশালীন শব্দ ব্যবহার করা, গালিগালাজ করা, শিস দেওয়া, হুমকি দেওয়া, শারীরিক অসমর্থতাকে নিয়ে উপহাস করা বা অনুরূপ কার্যাদি।

৩.২ শারীরিক বুলিং ও র্যাগিং:

কাউকে কোনো কিছু দিয়ে আঘাত করা, চড়-থাপ্পড়, শরীরে পানি বা রং ঢেলে দেওয়া, লাথি মারা, ধাক্কা মারা, খোঁচা দেওয়া, থুথু মারা, বেঁধে রাখা, কোনো বিশেষ ভঙ্গিতে দাঁড়িয়ে/বসে বা বিশেষ অবস্থায় থাকতে নির্দেশ দেওয়া অথবা কোনো কিছু করতে বা না করতে বাধ্য করা, কারো কোনো জিনিসপত্র জোর করে নিয়ে যাওয়া বা ভেঙ্গে ফেলা, মুখ বা হাত দিয়ে অশালীন বা অসৌজন্যমূলক অঙ্গভঙ্গি করা বা অনুরূপ কার্যাদি।

৩.৩ সামাজিক বুলিং ও র্যাগিং

কারো সম্পর্কে গুজব ছড়ানো, প্রকাশ্যে কাউকে অপমান করা, ধর্ম, বর্ণ, জাতি, গোত্র, পেশা, গায়ের রং, অঞ্চল বা জাত তুলে কোনো কথা বলা বা অনুরূপ কার্যাদি।

৩.৪ সাইবার বুলিং র্যাগিং

কারো সম্পর্কে সামাজিক যোগাযোগ মাধ্যমে কটু কিছু লেখা বা ছবি বা অশালীন ব্যঙ্গাত্মক কিছু পোস্ট করে তাকে অপদস্থ করা বা অনুরূপ কার্যাদি।

৩.৫ সেক্সুয়াল (Sexual) বুলিং ও র্যাগিং

ইচ্ছাকৃতভাবে শরীরের বিভিন্ন স্থানে আপত্তিজনক স্পর্শ করা বা করার চেষ্টা করা, ইজ্জিতবাহী চিহ্ন প্রদর্শন করা, আঁচড় দেওয়া, জামা-কাপড় খুলে নেওয়া বা খুলতে বাধ্য করা বা অনুরূপ কার্যাদি।

৩.৬ উপরে বর্ণনা করা হয়নি এমন কর্ম, আচরণ, কার্যাদি যা অসম্মানজনক, অপমানজনক ও মানহানিকর এবং শারীরিক/মানসিক যাতনার কারণ হতে পারে, তা যে নামেই হোক না কেন তা বুলিং ও র্যাগিং হিসেবে গণ্য হবে।

৪। শিক্ষা প্রতিষ্ঠানে বুলিং ও র্যাগিং প্রতিরোধে কমিটি গঠন এবং কার্যপরিধি :

বুলিং ও র্যাগিং প্রতিরোধে প্রতিটি শিক্ষা প্রতিষ্ঠানে কর্তৃপক্ষ ৩-৫ সদস্য বিশিষ্ট বুলিং ও র্যাগিং প্রতিরোধ কমিটি Anti Bullying Committee (ABC) কমিটি গঠন করতে হবে। প্রয়োজনে কর্তৃপক্ষ এক বা একাধিক কমিটি গঠন করতে পারবে।

৪.১ শিক্ষা প্রতিষ্ঠানসমূহে আত্মহত্যা (Suicide), বুলিং (Bullying) ও র্যাগিং (Ragging) সংক্রান্ত যে কোনো ধরনের ইনজুরি প্রতিরোধ বুলিং ও র্যাগিং প্রতিরোধ কমিটি (ABC) সকল প্রয়োজনীয় ব্যবস্থা গ্রহণ করবে।

৪.২ শিক্ষা বৎসরের শুরুতেই কমিটি আবশ্যিকভাবে এবং পরবর্তীতে ৩ মাস অন্তর অন্তর শিক্ষার্থী এবং সংশ্লিষ্টদের নিয়ে সভা/ মতবিনিময় সভা /সেমিনার /সিম্পোজিয়াম/ ওয়ার্কশপ আয়োজন করবে।

৪.৩ এই কমিটি শিক্ষা প্রতিষ্ঠানে বুলিং ও র্যাগিং হয় কিনা তা নিয়মিত পর্যবেক্ষণ করবেন। পর্যবেক্ষণের জন্য Bullying/Ragging Logs তৈরি করবেন, প্রয়োজনে প্রশ্নমালা (Self Report Peer Nomination, Teachers Nomination) ব্যবহার করবে।

৪.৪ শিক্ষা প্রতিষ্ঠানে বুলিং ও র্যাগিং প্রতিরোধে কমিটি প্রতিষ্ঠানে রক্ষিত কমিটি 'অভিযোগে বন্ধ/ডিজিটাল ড্রপ বন্ধ' রাখার ব্যবস্থা করবে এবং অভিযোগের গুরুত্ব অনুযায়ী ব্যবস্থা গ্রহণ করবে।

৫। বুলিং ও র্যাগিং প্রতিরোধ ও প্রতিকারে কর্তৃপক্ষ ও কর্মকর্তা-কর্মচারী এবং শিক্ষা প্রতিষ্ঠানের প্রধানের করণীয়:

৫.১ বুলিং এবং র্যাগিং উৎসাহিত হয় এরূপ কোনো কার্যকলাপ/সমাবেশ/অনুষ্ঠান করা যাবে না।

৫.২ শিক্ষা প্রতিষ্ঠানের যেসব জায়গায় বুলিং ও র্যাগিং হবার আশংকা থাকে, সেসব জায়গায় কর্তৃপক্ষ প্রয়োজনে সিসিটিভি ক্যামেরা স্থাপনের মাধ্যমে নজরদারির ব্যবস্থা করবে।

৫.৩ শিক্ষা প্রতিষ্ঠানের (আবাসিক হলসহ) কর্তৃপক্ষ তাদের নিজ নিজ অধিক্ষেত্রে বুলিং ও র্যাগিং এর ঘটনার বিষয়ে উর্ধ্বতন কর্তৃপক্ষের নিকট রিপোর্ট করবে; অন্যথায় নিষ্ক্রিয়তার জন্য দায়ী হবে।

৫.৪ বুলিং ও র্যাগিং এর উদাহরণ এবং পরিণতি সম্পর্কে কর্তৃপক্ষ ওয়েবসাইটে এবং প্রতিষ্ঠান প্রাঙ্গণে পোস্টারের মাধ্যমে প্রচারণা চালাবে।

৫.৫ শিক্ষাবর্ষের শুরুতে একদিন 'বুলিং ও র্যাগিং প্রতিরোধ দিবস' পালন করে বুলিং ও র্যাগিং এর সুফল সম্পর্কে কর্তৃপক্ষ সংশ্লিষ্টদের সচেতন করবে।

৫.৬ সংশ্লিষ্ট শিক্ষা প্রতিষ্ঠানের শিক্ষার্থী/শিক্ষক/ অভিভাবকদের শপথ নিতে হবে। পাঠকৃত শপথ পালনে অঙ্গীকারনামায় স্বাক্ষর করবেন এই মর্মে যে, তারা কখনো প্রত্যক্ষ বা পরোক্ষভাবে বুলিং ও র্যাগিং করবে না, কাউকে বুলিং ও র্যাগিং এর শিকার হতে দেখলে রিপোর্ট করবে, প্রয়োজনে কর্তৃপক্ষকে কর্তৃপক্ষকে অবহিত করবেন।

৫.৭ বুলিং ও র্যাগিং এর কুফল সম্পর্কিত সিনেমো, কার্টুন, টিভি সিরিজ এর প্রদর্শন, অনলাইনে দায়িত্বশীল আচরণের ব্যাপারে Online Behavior সম্পর্কিত কর্মশালা ইত্যাদিসহ সহপাঠ্যক্রমিক কর্মশালা আয়োজনের নিমিত্ত কর্তৃপক্ষ ব্যবস্থা গ্রহণ করবে।

- ৫.৮ কর্তৃপক্ষ বুলিং ও র্যাগিং প্রতিরোধে শিক্ষার্থীদের 'এক্সট্রা কারিকুলার এ্যাক্টিভিটিজ' এ অংশগ্রহণের ব্যবস্থা করবেন। যেমন, শিক্ষার্থীদের সৃজনশীল ও উদ্ভাবনী ক্ষমতাকে বিকশিত করা লক্ষ্যে বিতর্ক প্রতিযোগিতা, বিজ্ঞান মেলা, গণিত অলিম্পিয়াড, বই পড়ার প্রতিযোগিতা, দাবা, খেলা, কেরাম খেলা ও বিভিন্ন খেলাধুলা আয়োজন করবেন। শিক্ষার্থীদের মধ্যে সহমর্মিতা এবং সহানুভূতিশীলতার শিক্ষা দিতে বিভিন্ন সেচ্ছাসেবী কাজে নিযুক্ত করতে হবে।
- ৫.৯ শিক্ষার্থীরা বুলিং/র্যাগিং এর কুফল কিংবা এর ফলে কীভাবে একজন ক্ষতিগ্রস্ত হচ্ছে, সে সম্পর্কে পরিষ্কার ধারণা পাওয়া জন্য এবং সে সঙ্গে বুলিং ও র্যাগিং সম্পর্কিত সমস্যার সমাধান তারা নিজেরাই বের করতে উদ্যোগী হওয়ার জন্য শিক্ষকবৃন্দ Role Play মাধ্যমে উপস্থাপন করবেন।
- ৫.১০ সকল শিক্ষা প্রতিষ্ঠানে সুনির্দিষ্ট কোনো শিক্ষককে প্রশিক্ষণ দিয়ে তাদের কাউন্সিলিং এর দায়িত্ব প্রদান করতে হবে। তাদেরকে 'কাউন্সিলর' হিসেবে অভিহিত করা হবে।
- ৫.১১ বুলিং ও র্যাগিং নীতিমালা বাস্তবায়নে প্রতিষ্ঠান প্রধানগণ প্রয়োজনীয় পদক্ষেপ গ্রহণ করবেন।
- ৫.১২ শিক্ষা প্রতিষ্ঠান কর্তৃপক্ষ এবং শিক্ষা প্রসাশন সংশ্লিষ্ট মাঠ পর্যায়ের কর্মকর্তাগণ নিয়মিত বুলিং ও র্যাগিং বিষয়ে পরীক্ষা করবেন এবং নীতিমালা বাস্তবায়নে সহযোগিতা করবেন।
- ৬। গৃহীত ব্যবস্থা:**
- ৬.১ বুলিং র্যাগিং এ কোনো শিক্ষক, অশিক্ষক অথবা শিক্ষা প্রতিষ্ঠান সংশ্লিষ্ট কর্মকর্তা-কর্মচারী ও শিক্ষার্থীর প্রত্যক্ষ অথবা পরোক্ষভাবে সংশ্লিষ্টতা পাওয়া গেলে তার বিরুদ্ধে প্রচলিত আইন/বিধি অনুযায়ী শাস্তিমূলক ব্যবস্থা গ্রহণ করতে হবে। প্রয়োজ্য ক্ষেত্রে ফৌজদারী আইনে ব্যবস্থা গ্রহণ করতে হবে।
- ৬.২ বুলিং ও র্যাগিং এ বোর্ড অব ট্রাস্টিজ/গভর্নিং বডি/ম্যানেজিং কমিটি/এডহক কমিটি/বিশেষ কমিটির কোনো সভাপতি/সদস্যদের সংশ্লিষ্টতা থাকলে তাদের বিরুদ্ধে সংশ্লিষ্ট বিধি, আইনানুযায়ী ব্যবস্থা নিতে হবে। প্রয়োজ্য ক্ষেত্রে ফৌজদারী আইন মোতাবেক ব্যবস্থা গ্রহণ করতে হবে।
- ৭. বুলিং সংক্রান্ত অভিযোগ দাখিল ও নিষ্পত্তির পদ্ধতি:**
- ৭.১ অভিযোগকারী প্রতিষ্ঠান প্রধানের নিকট আবেদন দাখিল করবেন।
- ৭.২ বুলিং ও র্যাগিং সংক্রান্ত কোনো অভিযোগ প্রাপ্ত হলে প্রতিষ্ঠান প্রধান কমিটি গঠন করে তদন্তের প্রয়োজনীয় ব্যবস্থা গ্রহণ করবেন। প্রয়োজ্য ক্ষেত্রে অনুচ্ছেদ ৪.০ এর অধীন গঠিত কমিটিও তাদের নিকট উপস্থাপিত

অভিযোগ তদন্ত পূর্বক প্রতিষ্ঠান প্রধানের নিকট তদন্ত প্রতিবেদন দাখিল করবেন।

৭.৩ তদন্তকারী টিম বুলিং সংক্রান্ত অভিযোগের বিষয়ে সর্বোচ্চ ০৭ (সাত) দিনের মধ্যে তদন্ত প্রতিবেদন প্রতিষ্ঠান প্রধানের নিকট জমা দিবেন।

৭.৪ প্রতিষ্ঠান প্রধান তদন্ত প্রতিবেদন প্রাপ্তির পর উর্ধ্বতন কর্তৃপক্ষের নিকট উপস্থাপনপূর্বক পরবর্তী প্রয়োজনীয় পদক্ষেপ গ্রহণ করবেন।

৮। শিক্ষা প্রতিষ্ঠানে বুলিং ও র্যাগিং প্রতিরোধে নীতিমালায় বর্ণিত পদক্ষেপসমূহ কার্যকর করতে প্রয়োজনীয় অর্থ সংশ্লিষ্ট শিক্ষা প্রতিষ্ঠান বহন করবে।

৯। সরকার প্রয়োজন মোতাবেক সময়ে সময়ে প্রণীত নীতিমালাটি পরিবর্তন/সংযোজন/বিয়োজন করতে পারবেন।

রাষ্ট্রপতির আদেশক্রমে

সোলেমান খান
সচিব।

সংস্কৃতি বিষয়ক মন্ত্রণালয়

শাখা-৭

প্রজ্ঞাপন

তারিখ : ০৫ বৈশাখ ১৪৩০/১৮ এপ্রিল ২০২৩

নং ৪৩.০০.০০০০.১১৬.২২.০১২.২২.২১৪—বাংলাদেশ শিল্পী কল্যাণ ট্রাস্ট আইন, ২০০১ (২০০১ সনের ৩২ নম্বর আইন) এর ৬ নং ধারার প্রদত্ত ক্ষমতাবলে বাংলাদেশ শিল্পী কল্যাণ ট্রাস্ট পরিচালনার জন্য সরকার নিম্নরূপভাবে ট্রাস্টি বোর্ড গঠন করিল :

চেয়ারম্যান

১। মাননীয় প্রতিমন্ত্রী, সংস্কৃতি বিষয়ক মন্ত্রণালয়।

ভাইস-চেয়ারম্যান

২। সচিব, সংস্কৃতি বিষয়ক মন্ত্রণালয়

সদস্যবৃন্দ

৩। বেগম মমতাজ বেগম, মাননীয় সংসদ সদস্য-১৬৯, মানিকগঞ্জ-২

৪। বেগম সুবর্ণা মোস্তফা, মাননীয় সংসদ সদস্য-৩০৪, মহিলা আসন-৪

৫। মহাপরিচালক, বাংলা একাডেমী, ঢাকা।

৬। মহাপরিচালক, বাংলাদেশ শিল্পকলা একাডেমী, ঢাকা

৭। প্রতিনিধি, যুগ্মসচিব, অর্থ বিভাগ, অর্থ মন্ত্রণালয়

৮। প্রতিনিধি, যুগ্মসচিব, তথ্য মন্ত্রণালয়

৯। জনাব আসাদ মান্নান, বাংলা একাডেমী সহিত্য পুরস্কারপ্রাপ্ত

১০। স্থপতি ড.আবু সাঈদ এম আহমেদ

- ১১। ড. মোঃ আব্দুল বারী, নাট্যশিল্পী
১২। জনাব কামাল পাশা চৌধুরী, চিত্র শিল্পী
১৩। জনাব গোলাম কুদ্দুস, সভাপতি, সম্মিলিত সাংস্কৃতিক
জোট
১৪। জনাব খায়রুল আনাম শাকিল, সংগীত শিল্পী
১৫। বেগম মিনু হক, সভাপতি, বাংলাদেশ নৃত্যশিল্পী সংস্থা
১৬। জনাব রূপা চক্রবর্তী, আবৃত্তিকার

সদস্য-সচিব

১৭। ব্যবস্থাপনা পরিচালক, শিল্পী কল্যাণ ট্রাস্ট

২। ট্রাস্টিবোর্ডের কার্যপরিধি: বাংলাদেশ শিল্পী কল্যাণ ট্রাস্ট
আইন, ২০০১ এর ৭ ধারায় উল্লিখিত কার্যাবলি সম্পাদন।

৩। এ আদেশ অবিলম্বে কার্যকর হইবে এবং মনোনীত সদস্যগণ
আদেশ জারীর তারিখে হইতে পরবর্তী ০৩ (তিন) বছর স্বীয় পদে
বহাল থাকিবেন।

মোঃ সগীর হোসেন
সিনিয়র সহকারী সচিব।